



Broj: 05-40-20-1150-2/20
Datum: 13.04.2020. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, broj 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-40-20-1150-2/20 od 13.04.2020. godine, Općina Maglaj, ovlašteno lice ugovornog organa Načelnik općine Maglaj d o n o s i

ODLUKU
o izboru najpovoljnijeg ponuđača

I

Najpovoljnija ponuda za izvođenje radova na izgradnji Gradskog parka – nastavak radova je ponuda ponuđača „GEO-PUT“ d.o.o. Maglaj, u iznosu od 99.500,00 KM bez PDV-a, odnosno 116.415,00 sa PDV-om, nakon održane e-aukcije dana 13.04.2020. godine.

II

Ponuda je dostavljena u otvorenom postupku javne nabavke radova na izgradnji Gradskog parka – nastavak radova, koji je objavljen na portalu javnih nabavki, Obavještenje o nabavci broj: 1140-1-3-8-3-10/20 od 19.03.2020. godine, Ispravka obavještenja o nabavci broj: 1140-1-3-8-8-13/20 od 06.04.2020. godine i „Službenom glasniku BiH“, broj 19/20 od 27.03.2020. godine.

Kriterij za dodjelu ugovora je najniža cijena.

III

Odabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti odabrani ponuđač.

IV

Za realizaciju ove odluke zadužuj se Služba za urbanizam, geodetske i imovinsko-pravne poslove Općine Maglaj.

V

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

VI

Ova odluka ima se objaviti na web stranici Općine Maglaj, u skladu sa članom 70. stav 6. Zakona o javnim nabavkama.

Obrazloženje

Odlukom o pokretanju postupka, broj 05-40-20-1150/20 od 19.03.2020. godine, pokrenut je postupak javne nabavke izvođenja radova na izgradnji Gradskog parka – nastavak radova, putem otvorenog postupka.

Predmetna javna nabavka objavljena je na Portalu javnih nabavki, Obavještenje o nabavci broj: 1140-1-3-8-3-10/20 od 19.03.2020. godine, Ispravka obavještenja o nabavci broj: 1140-1-3-8-8-13/20 od 06.04.2020. godine. Kriterij za dodjelu ugovora je najniža cijena.

U ostavljenom roku za dostavljanje ponuda, pristige su tri ponude, po redoslijedu zaprimanja kako slijedi:

r/b	Naziv ponuđača	Cijena bez PDV-a u KM	Cijena sa PDV-om u KM
1.	„Geo-put“ d.o.o. Maglaj	108.492,52	126.935,93
2.	„Hajdić“ d.o.o. Maglaj	118.050,25	138.118,79
3.	„Zanati“ d.o.o. Maglaj	105.917,60	123.923,59

Odlukom broj 01-49-424/19 od 20.02.2019. godine, Načelnik općine Maglaj imenovao je Komisiju za javne nabavke u 2019. godini, a mandat iste je produžen odlukom broj 01-49-424-2/19 od 21.02.2020. godine.

U predmetnom postupku Komisija je izvršila javno otvaranje ponuda 09.04.2020. godine u 12,15 sati, o čemu je sačinila zapisnik o otvaranju ponuda. Javnom otvaranju je prisustvovao zakonski zastupnik ponuđača „Zanati“ d.o.o. Maglaj, direktor Braco Bradarić. Zapisnik o otvaranju ponuda je dana 10.04.2020. godine prosljeden ponuđačima koji su učestvovali u ovom postupku, i koji su ga uredno zaprimili.

Na zatvorenom sastanku, održanom dana 09.04.2020. godine, Komisija je pristupila pregledu i ocjeni ponuda i utvrdila da su sve dostavljene ponude formalno-pravno ispravne, nakon čega je zakazana e-aukcija, za dan 13.04.2020. godine, s početkom u 12,00 sati.

Nakon održane e-aukcije, Komisija je sačinila konačnu rang listu ponuda i utvrdila najpovoljnijeg ponuđača, kako slijedi u tabeli:

r/b	Naziv ponuđača	Cijena / KM za ugovor bez PDV-a	Cijena / KM za ugovor sa PDV-om
1.	„Geo-put“ d.o.o. Maglaj	99.500,00	116.415,00
2.	„Zanati“ d.o.o. Maglaj	101.800,00	119.106,00
3.	„Hajdić“ d.o.o. Maglaj	118.050,25	138.118,79

Na osnovu naprijed navedenog, a prema kriteriju najniže cijene, koji se u konkretnom postupku primjenjuje za dodjelu ugovora, Komisija je utvrdila da je ponuda ponuđača „Geo-put“ d.o.o. Maglaj najpovoljnija za ugovorni organ, jer ima najnižu cijenu, te je u skladu s tim rukovodiocu ugovornog organa predložila da se ugovor za izvođenje radova na izgradnji Gradskog parka – nastavak radova zaključi sa navedenim ponuđačem.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu odluke.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi nepredno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Služba za urbanizam, geodetske i imovinsko-pravne poslove
2. Arhiva



OPĆINSKI NAČELNIK
Mirsad Mahmutagić

